

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10) i člana 52. stav 1. Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 39/04, 54/04, 67/05, 8/06 i 4/12), a u vezi sa članom 51. stav 1. tačka b) Zakona o državnoj službi u Federaciji Bosne i Hercegovine, Vlada Zeničko-dobojskog kantona, na 38. sjednici, održanoj 30.12.2015. godine, d o n o s i

RJEŠENJE

o razrješenju i prestanku radnog odnosa rukovodećeg državnog službenika

I.

Državni službenik Ibrahim Havić koji obavlja poslove i radne zadatke radnog mjesta rukovodećeg državnog službenika „direktora Kantonalne direkcije robnih rezervi Zeničko-dobojskog kantona“, razrješava se dužnosti sa danom 30.12.2015. godine, zbog ispunjavanja zakonskih godina života kao uslova za prestanak radnog odnosa u organu državne službe.

II.

Imenovanom, razrješenjem sa radnog mjesta iz tačke I. ovog rješenja, prestaje radni odnos u Kantonalnoj direkciji robnih rezervi Zeničko-dobojskog kantona.

III.

Imenovanom se utvrđuje pravo na otpremninu po osnovu odlaska u penziju u iznosu 3 (tri) prosječne plaće ostvarene u Federaciji BiH, prema posljednjim objavljenim podacima Federalnog zavoda za statistiku.

IV.

Za realizaciju ovog rješenja zadužuju se Kantonalna direkcija robnih rezervi Zeničko-dobojskog kantona, Ministarstvo finansija i Stručna služba Vlade.

O b r a z l o ž e n j e

Državni službenik Ibrahim Havić, koji je Rješenjem Vlade Zeničko-dobojskog kantona, broj: 02-34-19327/11 od 22.07.2011. godine određen da obavlja poslove i radne zadatka upražnjenog radnog mjesta rukovodećeg državnog službenika – direktora Kantonalne direkcije za robne rezerve Zeničko-dobojskog kantona, je shodno pribavljenom Mišljenju Agencije za državnu službu Federacije Bosne i Hercegovine, broj: 04-34-3-59-1/15 od 31.03.2015. godine, ispunio uslove za prestanak radnog odnosa, zbog ispunjavanja zakonskih godina života.

Odredbom člana 51. stav 1. tačka b) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 39/04, 54/04, 67/05, 8/06 i 4/12), utvrđeno je da državnom službeniku prestaje radni odnos u organu državne službe ispunjavanjem zakonskih godina života, odnosno navršenjem 40 godina penzijskog staža, a odredbom člana 52. stav 1. je utvrđeno da državnog službenika razrješava rukovodilac prema prethodno pribavljenom mišljenju Agencije za državnu službu Federacije BiH.

Članom 23. Uredbe o naknadama i drugim materijalnim pravima koja nemaju karakter plaće („Službene novine Zeničko-dobojskog kantona“, broj: 8/09), utvrđeno je da zaposleniku kantonalnih organa državne službe pripada pravo na otpremninu prilikom odlaska u penziju, na način kako je utvrđeno u tački IV. ovog Rješenja.

Kako su se shodno navedenim odredbama stekli uslovi za razrješenje, odnosno za prestanak radnog odnosa Ibrahima Havića, odlučeno je kao u dispozitivu Rješenja.

Pravna pouka: Protiv ovog rješenja može se izjaviti žalba u roku od 15 dana od dana prijema istog. Žalba se podnosi Odboru državne službe za žalbe, Agencije za državnu službu Federacije Bosne i Hercegovine.

Broj: 02-34-22987/15

Datum, 30.12.2015. godine

Zenica

DOSTAVLJENO:

1x Imenovanom,
1x Stručna služba Vlade,
1x Kantonalna direkcija robnih rezervi,
1x Agencija za državnu službu FBiH,
1x Ministarstvo finansija,
1x a/a

PREMIJER

Miralem Galijašević